

Contando cu participacion di autornan di paisnan manera Hulanda, Corsou, St. Maarten y Bonaire

Festival di Buki pa Mucha 2011 ta na caminda

Anualmente Biblioteca Nacional Aruba ta organisa un Festival di Buki pa Mucha den cuadro di promocion di lesamento. E preparacionnan p’e di 19 Festival di Buki pa Mucha ta den full swing. E tema di e aña aki ta: “Mi buki, mi heroe: cu mi buki den mi man, mi t’e heroe di mañan”

Apertura ta dia 28 di oktober den Cas Di Cultura debi cu biblioteca na Playa ta sera pa renobacion.

E presentacion di e apertura ta un obra musical di e escritora/ilustradora Hulan-

des/Sueco Marit Törnqvist y Floor Minaert. Tur scol preparatorio y basico a ricibi nan formulario di inscripcion p’asina e autornan por bishita e scolnan durante e periodo di 31 di oktober te cu 4 di november. Tambe nan a ricibi invitacion pa participa na un workshop pa maestro. E aña aki ta bay tin un concurso di skirbi poesia p’e muchanan di klas 4 y 5 pa cual informacion pa participacion tambe a bay p’e scolnan.

Sra. Desiree Correa t’e escritora cu a skirbi

e Buki Cariño di Siman titula: “Pepe Picuda y Didi Djindja” y sra. Sheila Werleman t’e ilustradora.

E autornan cu ta participa e aña aki na e festival di buki ta:

Hulanda; Marit Törnqvist, Floor Minnaert, Mariska Hammerstein y Evelien van Dort.

Corsou; Mila Dorothea y Merly Augusta.

St. Maarten; Loeki Morales y Stella Simons.

Bonaire; Sedney Marten

Aruba; Desiree Correa, Dolfi Kock, Sheila Werleman, Maribelle Arends, Gino Vrolijk y Liliana Braamskamp.

Biblioteca Nacional Aruba ta convenci cu e festival di 2011 lo ta exitoso mescos cu tur e otro festivalnan den pasado.